



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1663. usque ad annum 1674

Fleury, Claude

August. Vind. [u.a.], 1780

VD18 90119193

§. 40. Controversia inter Tornacensem Episcopum & Regulares.

[urn:nbn:de:hbz:466:1-67332](https://nbn-resolving.org/urn:nbn:de:hbz:466:1-67332)

Archiepiscoporum, aliorumque Præ-^{Sæc. XVII.}
 sulum testimonia, ac demum celebra-^{A. C. 1671.}
 tissimus hic liber in Anglicum, Itali-
 cum, Hibernicum, Germanum, Ba-
 tavicum, & latinum idioma & quidem
 a Claudio Fleyrio translatus iteratis
 prælis prodiit, ceteris tamen melior
 editio est, quæ Parisiis curante Seba-
 stiano Cramoisis anno Domini millesi-
 mo sexcentesimo octogesimo sexto ex-
 cusa fuit.

§. XL.

*Controversia inter Tornacensem Epi-
 scopum & Regulares.*

Postquam Gilbertus Choiselius Tor-^{Recueil des}
 nacenensis Episcopus Ecclesiæ suæ ^{Aff. du}
 possessionem adierat, die vigesima quarta ^{Clergé de}
 Aprilis promulgato edicto, omnes utrius- ^{Franc. t. 2.}
 que Cleri Sacerdotes die vigesima Men- ^{pag. 357.}
 sis Maij in Episcopali Palatio adesse
 iussit, ut pro administrando Pœniten-
 tiæ Sacramento, & annuntiando Dei
 Verbo rursus ab Episcopo examina-
 rentur, etiamsi ab ejus Prædecessori-
 bus aut Sede Vacante ab eorum Vica-
 riis fuissent approbati. Præstituta die
 viginti duo Regularium Superiores Epi-
 scopum adiere, atque ex eis Augusti-
 nianorum Prior libellum supplicem a
 ceteris subscriptum Episcopo tradidit,

Nn 5

at-

Sæc. XVII. atque a novi examinis lege se exemptum
 A. C. 1671. esse declaravit: cum autem tum Episcopus

Regi ad Diæcesin venturo in
 obsequia præsens deferre cogere-
 t. examini huic interesse præpeditus, præ-
 fixum Regularibus terminum ad diem
 decimam quintam Julii prolongari
 ac interim Regularibus jam antea ap-
 probatis suo munere fungi permit-
 tere. Quoniam vero Regulares præcipue
 tempore sese examini sistere renuerunt
 simulque Episcopo declararent, quod
 jam semel approbati nova approba-
 tione haud indigerent, ac potius a
 sacro Tribunali & Cathedra abstinere ve-
 lent, hinc Episcopus Tornaci die de-
 cima Julii ad omnes Diæcesis suæ Sa-
 periores prorogata interim approba-
 tione hanc epistolam transmisit: „Scilicet
 „ad vos Fratres charissimi, ut certum
 „res faciam meæ erga vos benevolenti-
 „tæ, propensæque voluntatis: In quo
 „mum induxeram ire ad vos ante
 „decimam quintam hujus Mensis die
 „ut juxta promulgatum antea decem
 „tum omnes Concionatores, & Con-
 „fessarios approbatione dignos appro-
 „barem: sed prohibitus sum usque
 „huc, cum Rex diutius in ista Provin-
 „vincia commoratus sit, quam commo-
 „raturum credideram, fueritque me
 „officii, ut eidem adessem, ipsius mun-
 „dum

„data excepturus, & me alia etiam ne- Sæc. XVII.
 „gotia urgentia retardarint: Ne vero A.C. 1671.
 „præscriptum tempus elabatur, & plebs
 „Christiana spiritualibus vestri mini-
 „sterii auxiliis privetur, his volui lite-
 „ris vobis significare, me datum antea
 „temporis spatium prorogare, donec
 „ad Vos accedam, vobisque interea
 „antiquis approbationibus uti, & fide-
 „lium confessiones excipere, ac Verbum
 „Divinum prædicare liceat. Quam pri-
 „mum autem vobis adero, ut pro Pa-
 „storali charitate parcam vestris sump-
 „tibus, & itineris labori. Valete
 „Fratres dilectissimi, quos in Christi
 „Visceribus amplector.

Gilbertus Episcopus Tornacensis.

Ut vero Episcopus populi tumultum præverteret, die decima quarta Julii novo edicto omnibus etiam Regularibus obtentas olim prædicandi, ac confessiones excipiendi facultates prorogavit, donec aliter decretum fuisset: Hoc edictum Regulares die vigesima ejusdem Mensis gratanter acceptarunt; Episcopus tamen, ut eos ad novum examen adigeret, Regem supplex adiit, quatenus Episcopalia juræ, regia etiam auctoritate tueri vellet. Igitur Ludovicus Rex Boucharto & Fieubeto, quos a secretis habuit, injunxit, ut Episcopi

Sæc. XVII. scopi Tornacensis edictum, totamque
 A. C. 1671. controversiam unacum Parisiensi Archi-
 episcopo, Contio Decano, & Patre
 Ferriero Jesuita Regis Confessario dis-
 scuterent, ac desuper una omnes coram
 Rege referrent. Eodem tempore Re-
 vicissim per Pellectierum Flandriæ Prae-
 fectum Regularibus significari iussit, ut
 suas, quas contra Episcopi edictum
 haberent, rationes coram præfatis Re-
 giis Deputatis exponerent: cum au-
 tem jam dudum Maximilianus Tornacensis
 Episcopus Jesuitis in pari contro-
 versia Congregationis Cardinalium
 S. Concilii Tridentini decisionem die
 vigesima Junii Anno 1620. emanatam
 opposuisset, vi cuius declaratum, Pre-
 byteros Societatis Jesu nequaquam
 confessiones sæcularium audire nisi ab
 plenitudine tua per examen, si illi videtur
 necessarium, aut alias non idonei iudicantur,
 approbentur, nec posse eosdem in Ecclesiis
 sui Ordinis prædicare, nisi post præfata
 benedictionem, in aliis vero Ecclesiis præ-
 dicare volentes etiam licentiam habere tem-
 aliunde vero per Regis edictum Parisi
 die quarta Martii ante biennium de-
 claratum esset, Agenensi Episcopo Re-
 gularium approbationes revocandi jus
 competere, ac denique Clemens X. no-
 vissime decidisset, quod Regulares sim-
 pliciter & absque temporis limitatione

ab ipsomet Episcopo (*secus si ab ejus* Sæc. XVII.
Vicario, aut Episcopis Antecessoribus) A. C. 1671.
 approbati non possint ab eodem iterum
 examinari, his igitur rationibus ex-
 pugnati Regulares, Tornacensis Epi-
 scopi edicto cesserunt. Accusabatur e-
 quidem hic idem Episcopus a qui-
 busdam, quod nimium severus, &
 & proin Jansenismo addictus esset, ve-
 rum hanc labem, quam laxioris do-
 ctrinæ hostibus inurere, tum veluti in
 consuetudinem transibat, ipsemet ab-
 sterfit Anno 1678. die 24. Aprilis hæc
 ad Innocentium XI. Papam perscribens:
hoc possum coram Deo profiteri, Beatissime
*Pater, me nunquam Jansenii patrocini-
 um suscepisse, sed quinque propositiones dam-
 natas semper damnasse ex animo. Ejus-
 modi Jansenismus, profecto ridiculum
 phantasma & puerile terriculamen-
 tum est.*

§. XLI.

*Opiniones Cartesi a Sorbona exu-
 lare jussæ.*

Obiit jam anno priori Harduinus Pe-
 refixius Parisiensis Archiepiscopus, Argentre
 l. c. Coll.
 Jud. p. 138.
 tom. 3.
 ad quam Ecclesiam a Ludovico Rege
 denominatus est hoc anno Franciscus
 Harlæus, qui doctrinas perniciosas a
 Scholis arcere intentus, Parisinæ Fa-
 culta-